




策政要覽


八之十



内閣文庫	
番號	漢 9258
冊數	4 (4)
函號	295 32




荒政要覽卷八



遇荒得失之鑒

上天以億兆之命寄之天子

朝廷以一方之命寄之有司任土地人民之托不能竭蹙心力救民於饑饉責將誰諉然則一民之死非歲凶殺之長人者殺之也儒者止論



雲間俞汝為輯錄

潯陽王演疇

武林翁汝遇訂正



人事而餘慶餘殃易有明訓感應之理百無一爽我

成祖文皇帝嘗輯為善陰騭一書頒布天下此卷師其意採諸書荒政之得失者列為殷鑒有官君子可以惕然思矣論得失第八

救荒善政四十九條

僖公十二年冬晉薦饑使乞糴于秦百里奚曰天災流行國家代有救災恤鄰道也行道有福秦於是輸粟于晉自雍及絳相繼命之曰汎舟之役

按整當作 器

國語魯饑臧文仲言於莊公曰夫為四鄰之援結諸侯之信重之以昏姻申之以盟誓固國之艱急是為鑄名器藏寶財固民之殄病是待今國病矣君盍以名器請糴于齊於是以前圭玉璜如齊告糴曰不腆先君之敝器敢告滯積以救敝邑

春秋之時鄭饑未及麥民病于皮餼國人粟戶一鍾是以得鄭國之民故罕氏世掌國政以為上卿宋饑司城子罕出公粟以貸使大夫皆貸司城氏貸而不書宋無饑人晉叔向聞之曰鄭之罕宋之樂二者其

元年當作二年

漢書河陵作江陵

師古曰比近也言屋相近故連延而燒也

皆得國乎

武帝元鼎元年詔曰今京師雖未為豐年山林池澤之饒與民共之今水潦移於江南迫隆冬至朕懼其饑寒不活方下巴蜀之粟致之河陵遣博士等分行諭告所抵無令重困吏民有賑饑民免其厄者具舉以聞

武帝時河內失火延燒千餘家上使汲黯往視之還報曰家人失火屋比延燒不足憂臣過河南貧人傷水旱萬餘家或父子相食臣謹以便宜持節發河南

倉粟以賑貧民臣請歸節伏矯制之罪上賢而釋之永元五年遣使者分行三十餘郡貧民開倉賑給六年詔流民所過郡國皆廩之永初二年遣光祿大夫樊準呂倉分行冀兗二州廩貸流民

東晉烈宗太元四年三月詔以疆場多虞年穀不登其供御所須事從儉約九親供給衆官廩俸權可減半凡諸役費自非軍國事要皆宜停省

唐太宗時關中旱饑民多賣子以接衣食詔出御府金帛為贖之歸其父母詔以去歲霖雨今茲旱蝗赦

又當作又

并正要覽卷之八

天下其略曰若使百姓豐稔天下又安移災朕身以存萬國是所願也甘心無吝會所在有兩民大悅畿內有蝗上入苑中見蝗掇數枚祝之曰民以穀爲命而汝食之寧食我之肺肝舉手欲食之左右諫曰惡物或成疾上曰朕爲民受災何疾之避遂吞之是歲蝗不爲哉

儀鳳間王方翼爲肅州刺史蝗獨不至方翼境而鄰郡民或餒死皆重繭走方翼治下乃出私錢作水碓薄其直以濟饑瘵起舍數十百楹居之全活甚衆芝

產其地

董煟曰流民至當爲法以處之富強令樵採打魚之類地主不得爲主是也但一時未免侵擾莫若脩堤浚河興水利公私兩便不然官司出錢租賃民間蘆場或柴篠山近縣郭市井去處縱流民樵採官復置場買之非惟流民得自食其力雪寒平價出賣亦可濟應細民

代宗廣德中歲大饑蕭復家百口不自振議鬻昭應聖宰相王縉欲得之使其弟紘說曰以君之才宜在左右胡不以聖奉丞相取右職復曰鬻先人之墅以濟孀單吾何用美官使門內寒且餒乎縉憾之由是坐廢數歲改同州刺史歲歉有京畿觀察使儲粟復發之以貸百姓有司劾治詔削停刺史或弔之復曰

荒政巨覽

卷之八

三

苟利於人胡責之辭其後拜兵部尚書董煟曰官職自有定分以巧得之不若拙而見稱於後世蕭復以墅奉宰相豈不立取富貴不發觀察使儲粟豈至削停刺史然一時齟齬其後亦為兵部尚書豈非官職自有定分雖巧何益也後之賑濟者但當誠心為民可行即行已利害非所當計

開當作開

元和聞南方旱饑遣使賑恤將行憲宗戒之曰朕宮中用帛一匹皆計其數惟賑恤百姓則不計所費卿輩當體此意

憲宗元和七年上謂宰相曰卿輩屢言淮南去歲水旱近有御史自彼還言不至為災李絳對曰御史欲

挾當作挾

為姦諛以悅上意耳上曰國以人為本民間有災當急救之豈可復疑即命速蠲其租

唐盧坦為宣歙觀察使到郡歲饑穀價日增或請損之坦曰所部土挾穀少仰四方之來者若價賤穀不復來益困矣既而商米輻湊市估遂平民賴以生宋朝建隆元年遣戶部郎中沈倫使吳越歸奏楊泗饑民多死郡中軍儲尚百餘萬斛可貸於民至秋復收取新粟有司沮倫曰今以軍儲賑饑民遂若薦饑無所收取孰任其咎上以難倫倫曰國家以廩粟濟

民自當名和氣而致豐稔豈復有冰旱耶帝即命發廩貸民

乾德元年夏四月詔諸州長史視民田旱甚者則蠲其租不俟報

至道二年詔官倉發粟數十萬石貸京畿及內郡民為種有司言請量留以供國馬太宗曰民田無種不能盡地利且竭廩以給之國馬以芻藁可矣祥符中

澶州上言民訴水旱二十畝以下求蠲租者所傷不多望勿受其訴真宗曰若此貧民田少者常不及矣

朕以災沴蠲租正為貧民下戶豈以多少為限耶獨慮諸州不曉此意當徧戒之

仁宗嘗謂頃者江南歲饑貸民種糧數千萬斛且屢經倚閣而轉運督責不已民貧不能自償昨使安撫

始以事聞不爾則民間之弊無由上達其悉蠲

天聖七年閏二月詔河北轉運司契丹流民其令分送唐鄧襄汝州以閒田處之仍令所過人日給米二

升初河北轉運司言契丹歲大饑民流過界河上謂輔臣曰雖境外之民皆是朕之赤子也可賑救之故

降是詔

天聖七年六月河北大水壞澶州浮橋七月命三司
 刑部郎中鍾離瑾為河北安撫使仍詔瑾所至發官
 廩以賑貧乏其被溺之家見存三口者給錢二千不
 及者半之溺死而不能收斂者官為瘞埋已檢於稅
 外外聽近輸官權停州縣配率其經水倉庫管壁取
 脩完之卑下者徙高阜處水損官物先為給遺防監
 亡失官馬者更不加罪止令根究所部官吏貪暴不
 能存恤者奏劾之見繫獄囚委長吏從輕決遣其備

遺當作遣

邊事機民間疾苦悉具經畫以聞

慶曆七年以旱避正殿詔中外臣寮指陳當世切務
 又下詔曰咎自朕致民實何愆與其降咎於人不若
 降災於朕辛丑祈雨炎日却蓋不御是歲江東大饑
 運使楊紘發義倉以賑之吏欲取旨紘謂吏曰國家
 置義倉本慮凶歲今須旨而發人將殍死上聞而褒
 之

仁宗每見天下有災傷州郡必加存恤嘉祐中河
 北蝗澇時霸州文水縣不依編勅告示災傷百姓狀

訴及本州不以特差官檢視轉運以為言上曰朝廷之政寄於郡縣郡縣之政寄於守令守宰之官最為親民民無災傷尚當存恤況有災傷而不為受理豈有心於恤民乎

熙寧間上以久旱憂見容色每輔臣進見未嘗不嗟歎懇恤盡罷保甲方田等事以謂愛地力亦荒政急務宜即施行王安石曰水旱常數堯湯所不免陛下即位以來累年豐稔今之旱暵但當益脩人事以應天災不足貽聖慮上曰此豈細事朕今所以恐懼者

正為人事有所未脩也於是中書省奏請蠲減賑恤熙寧八年正月詔曰方農作時雨雪頗足流民所在令州縣曉諭丁壯各願歸鄉者并聽結保經所屬給糧每程人給米豆一升幼者半之婦女準此州縣毋輒強逐

王堯臣知光州歲大饑羣盜發民倉廩吏以法當死堯臣曰此饑民求食爾荒政之所恤也乃請以減死論其後遂以著令至今用之真宗時陳從易知處州時歲饑有持杖盜發困倉者請一切減死論於是活

千餘人

政和七年九月手詔州縣遇糴以私境内殊失惠養元元之意自今有犯必罰無赦

紹興中福建帥臣奏乞措置拯濟事高宗曰拯濟爲貧民近世拯濟止及城郭市井之内而鄉村之遠者未嘗及之須令措置州下縣縣下之鄉雖幽僻去處亦分委官屬必躬必親則貧民沾實惠矣董煟曰賑濟當及鄉村嘗於義倉論之詳矣然嘗聞蜀道寇作臨汝侯朝羅研曰卿蜀人何樂禍如此研曰蜀中百家爲村有食者不過數家貧迫之人十常八九束縛之吏十有二三各令有五母雞二母彘牀上有百錢甌中有數

升麥飯雖蘇張巧說於前韓白按劔於後將不能一夫爲盜蓋賑濟不及村落其弊如此高宗論拯濟謂幽僻去處亦分委官屬必躬必親所謂不出戶庭而周知天下者歟

紹興二十八年平江紹興湖秀諸處被水欲除下戶積欠宰執擬令戶部具有無損歲計上曰止令具數便於內庫撥還朕平時無妄費所積本欲備水旱爾本是民間錢却爲民間用復何所惜

淳熙八年勅浙西常平司奏本路去歲旱傷輕重不均均在法五分以上方許賑濟今來逐縣各鄉都分有分數不等若以統縣言之則不該賑濟若據各鄉都

遂當作逐

糶當作糶

平當作于

機當作饑

分有旱至重去處則理當存恤除已遂一從實括責
五分之上量行賑濟五分以下量行賑糶得旨依請
耀州大旱野無青草卑仲游謂郡縣賑濟多後時力
愈勞而民不救故先民之未饑多揭榜示曰郡將賑
濟且平糶若干萬石勸諭以無出境民皆歡然按堵
已而果漸艱食乃出粟以賑且平糶以給之鄰境流
散殆盡而耀民之當徙就食者乃十七萬九千口顧
所發粟盡以民粟繼之而家給人足無一人逃者
滕達道知鄆州歲方機乞淮南米二十萬石為備後

淮南東京皆大饑達道獨有所乞米名城中富民與
約曰流民且至無以處之則疾疫起併及汝矣吾得
城外廢管田欲為席屋以待之民曰諾為屋二千五
百間一夕而成流民至以次授地井竈器用皆具以
兵法部勒少者炊壯者樵婦女汲民至如歸上遣工
部侍郎王古按視廬舍道巷引繩綦布肅然如營陣
古大驚圖上其事有詔褒美用活者凡五萬人
吳遵路賑濟民既俵米即令採薪芻出官錢收買却
於常平倉市米物歸贍老稚凡買柴二十二萬束比

卷之八

九

米當作束

至嚴冬雨雪市無來薪即依元價貨鬻官不傷財民再獲利

文彥博在成都米價騰貴因就諸城門相近寺院凡十八處減價糶米仍不限其數張榜通衢翌日米價遂減前此或限升斗出糶或抑市井價直適足以增其氣焰而價終不能平大抵臨事須當有術臣謂此非特能止騰踴亦以陳易新之法也

韓琦論自來常平倉遇年歲不稔物價稍高合減元價出糶出糶之時令諸縣取逐鄉近下等第戶姓名

印給關子令收執赴倉每戶糶與三石或兩石唯是坊郭則每日零細糶與浮居之人每日五升或一斗故民受實惠甚濟饑乏即未曾見坊郭有物業人戶乃來零糶常平倉斛斗者前賢處事精審如此臣謂穀可留而米不可久留若過二年已上則不可食不於饑荒之時糶錢他日易新則終化埃塵而已

彭思永通判睦州會海水夜敗台州城郭人多死詔監司擇良吏往撫之思永遂行將至吏民皆號訴於道思永悉心救養不憚勞苦至忘寢食盡瘁死者

荒政要覽

卷之八

十一

爲文以祭之問疾苦賑饑乏去盜賊撫羸弱其始至也域無完舍思永周行相視爲之規畫朝夕暴露未嘗憇息民貧不能營葺者命工伐木以助之數月而公私舍畢人復安其居思永視故城頽壞僅有彷彿思爲遠圖召僚屬而謂之曰郡瀕海而無城此水所以爲害也當與諸君圖之程役勸功民忘其勞城遂爲永利天子嘉之錫書獎諭後去台還睦二州之民喜躍啼戀者交於道

元祐二年冬頻雪民苦寒多有凍死者呂公著爲相

例字之上
賞有條字

日與例議所以救禦之術乃發官米炭遣官數十分置場於京師賤鬻以惠貧民又出內庫錢十萬緡委開封府官吏遍走閭閻周視而賑之又遣官按視四福田院存撫丐者給以日廩須春暮而止農民貸種糧流移在道者所過州縣存恤寓以官舍續其食流配罪人隨所在寄禁亦委官吏安存之或爲饘粥湯藥以救疾或爲芟屋紙衣以禦寒民有棄老稚於路者皆設法收養之凡待賑而活者一路或數十萬口賴貸以濟者又倍焉

文獻通考卷之八十一
十一

越字之上
有知字

富字之下
有民字

曾鞏越州時歲饑度常平不足以賑給而田居野處
之人不能皆至城郭至者羣聚有疾癘之虞前期諭
屬縣名富使自實粟數總得十五萬石視常平價稍
增以予民民得從便受粟不出田里而食有餘粟價
自平又出粟五萬貸民為種糧使隨歲賦入官農事
賴以不乏臣曰此策固善但視常平價稍增則視時
價必稍損矣恐成科抑非本朝詔旨不若前期勸諭
商賈富民出錢循環糴販之為愈亦須官司先有以
表率之

北字衍

天聖五年八月河北大水上謂輔臣曰比令內侍往
沿邊視水災如聞有龍堰于海口可遣致祭王曾對
曰邊郡數大水蓋洪範所謂不潤下之證海口恐非
龍堰宜寬民賦以應天災於是下詔河北北水災州
軍免今年秋稅

晁補之知齊州歲饑河北流民道齊境不絕補之請
粟於朝得萬斛乃為流者治舍次具器用人既集則
又且日給糜粥藥物補之皆躬臨治之凡活數千人
擇高原以葬死者男女異墟使者頗媚其功欲有以

荒政要覽

卷之六

十三

撓之既至境按事乃更歎服

劉安世請刪常平之法將一路所有錢帛同應副一路之中不得偏聚一州一州之境不得偏聚一縣各隨戶口之多寡以置糴此通融有無之法但今亦難行然為政者當識前輩規模廣大不局一隅之意熙寧七年知河東府祈克柔奏今歲河外饑饉雖蒙賑貸尚未周給人欲流散以求生路恐北虜因而招誘遂虛北邊民戶臣乞保借米三萬石粟二萬石賑貸豐熟令償詔賜省倉粟二萬石賑濟米三萬石借

貸

君當作泉

蘇杲眉州蘇洵之父杲輕財好施急人之病孜孜若不及歲凶賣田以濟其鄰里鄉黨逮熟人將償之君辭不受以至數破其業危於饑寒然未嘗以為悔而好施益甚

張詠鎮蜀時夢謁紫府真君接語未久吏忽報請到西門黃兼濟黃幅巾道服真君降階迎接甚謹且揖詠坐黃之下詢顧詳款似有欽歎之意詠翊日命吏請黃戒令常服來比至夢中一如所見遂以夢告因

問黃有何陰德蒙真君禮遇如此黃曰無他長惟每歲禾麥熟時以三萬緡收糴民或艱食即以元糴斗斛不增價糴之在兼濟初無損於小民頗有補詠曰此君所以居詠上也命二吏掖扶黃令坐索公裳拜之世之富民逸居飽暖無所用心不為嗜慾所惑則必為慳慢貪嫉強橫奸詐所惱矣黃如此宜為真君所重

張詠守蜀季春糴廩米其價比時減三之二以濟貧民凡十戶為保一家犯罪一保皆坐不得糴民以此

按謹當作謠

少敢犯法王文康知益州獻議者改詠之法窮民無所濟復為寇文康復奏之蜀人大喜為之誣曰蜀守之良先張後王惠我赤子俾無流亡何以報之俾壽而康

野當作野

宣和五年正月臣僚聞蜀父老謂本朝名臣治蜀非一獨張詠德政居多如賑糴米事著在皇祐中令當刻石遵守至今行且百年其法一跽正約小鐵錢三百五十文人日一升團甲給曆赴場請糴歲計米六萬石始一月一日至七月終貧民闕食之際悉被朝

廷實惠

李之純為成都路運判時成都每歲官出米六萬斛下其直出糶以濟貧民議者謂幸民而損上詔下其議之純曰成都蜀郡根本民恃此為生百年矣苟奪之將轉徙無所不至願仍舊貫議遂格

摧當作推下同

張詠知鄂州崇陽縣民以茶為業詠曰茶利厚官將摧之不若早自異也命拔茶植桑民以為苦其後摧地他縣皆失業而崇陽之桑皆已成為絹而比歲者百萬匹民以殷富淳化中東西兩川旱民饑吏失救

募當作券祐當作佑

卹寇李順陷成都詔王繼恩充招安使率兵討之命詠知成都府事時關中率負糧以餉川師道路不絕詠至府問城中所屯兵尚三萬人而無半月之食詠訪知鹽價素高而廩有餘積乃下其估聽民得以采易鹽民爭趨之未踰月得米數十萬斛軍中喜曰此翁真善幹國事者遷知益州詠以其地狹游手者眾事寧之後生齒日繁稍遇水旱則民必艱食時斗米直錢三十六乃按諸邑田稅如其價歲折米六萬石至春籍城中佃民計口給募俾輸元祐糴之詠奏為

荒政要覽

卷之八

十一

永制其後十餘年雖時有災饉米甚貴而益民無餒色者詠後立官至太子中允遷秘書丞荆湖北路轉運使樞密直學士同知銀臺通進封駁司兼管三班院加左諫議大夫拜給事中戶部使改御史中丞遷工部戶部侍郎年七十卒贈左僕射謚忠定弟詵為虞部員外郎

成化六年庚寅夏京畿大水命右都御史項忠巡視順天河間永平三府忠多發官廩又設分勸法得米二十六萬石銀布牛俱各萬餘所活二十七萬八千餘

人項氏子孫繁衍鼎盛有相繼登甲科者

宣和六年洪皓為秀州錄事秋大水田不沒者十一流民塞路倉庫空虛無賑救策公白守郡以荒政自任悉籍境內粟留一年食發其餘糶於城之四隅不能自食官為主之立屋於西南兩廢寺十人一室男女異處防其淆偽涅墨子識杖有侵半鬪鬻者亂其手文逐之借用所掌發運名錢且盡會浙東綱常平米斛四萬過城下公遣吏鎖津柵諭守使截留守噤不肯曰此御筆所起也罪死不赦皓曰民仰哺當至

麥熟今臘猶未盡中道而止則如勿救寧以一身易
十萬人命迄留之居無何廉訪使者王孝竭至鄴曰
平江哀號訴饑者旁牛此獨無何也守具以對即延
公如兩寺驗視孝竭曰吾嘗行邊軍法不過是也違
制抵罪為君脫之又請得二萬石所活九萬五千餘
人後諸卒以城畔鹵掠無一家免過門曰此洪佛子
家也汝毋得入

失救殃民二十三條

僖公十三年冬晉薦饑使乞糴于秦秦輸粟于晉僖

奏當作秦

公十四年秦饑乞糴于晉晉人不與僖公十五年晉
侯及秦伯戰于韓獲晉侯傳云晉饑秦輸之粟奏饑
晉閉之糴故秦伯伐晉

元封四年關東流民二百萬口無名數者四十萬公
卿議欲徙流民於邊丞相石慶上書乞骸骨上詔報
切責之董煇曰流民移徙誠當安集勞來乃欲徙之於邊武帝救荒之術疎矣

王莽時南方枯旱使民煮木為酪酪不可食重為煩
擾又令饑民掘鳧茈食之流民入關者數十萬人置
養贍院以粟之吏盜其廩饑死十七八

漢當作薄

事當作士

東漢桓帝永壽三年春京師或上言民之貧困以貨
 雜錢薄宜改鑄大錢事下四府羣僚及太學能言之
 事議之太學生劉陶上議曰當今之憂不在於貨在
 乎民饑竊見比年已來良苗盡於蝗螟之口杼軸空
 於公私之求民所患者豈謂錢貨之厚薄銖兩之輕
 重哉就使當今沙礫化為南金瓦石變為和玉使百
 姓渴無所飲饑無所食雖羲皇之純德唐虞之文明
 猶不能以保蕭牆之內也蓋民可百年無貨不可一
 朝有饑故食為至急也議者不達農殖之本多言鑄

治當作治

治之便蓋萬人鑄之一人奪之猶不能給況今一人
 鑄之則萬人奪之乎雖以陰陽為炭萬物為銅役不
 食之民使不饑之士猶不能足無厭之求也

康當作康

東漢獻帝興平元年四月至七月不雨穀一斛直錢
 五十萬長安中人相食帝令侍御史侯汶出太倉米
 豆為貧人作糜餓死者如故帝疑廩賦不實取米豆
 各五升於御前作糜得二盆乃杖汶五十於是悉得
 全濟

梁末侯景作亂江南連年旱蝗江楊尤甚百姓流亡

相與入山谷江湖采草根木葉菱芡而食之所在皆盡死者蔽野富室無食皆烏面鵠形衣羅綺懷金玉俯伏牀帷待命聽終千里絕烟人迹罕見白骨聚如丘隴

大業七年煬帝謀計高麗發民夫運米積於瀘懷二鎮耕稼失時田疇多荒饑饉薦臻穀價踴貴米肆直錢數百所運米或麓惡令民糴以償之重以官吏侵漁百姓困窮財力俱竭安居則不勝凍餒剽掠則猶得延生於是始相聚為羣盜董煟曰自古盜賊之起未嘗不始於饑饉上之

人不惜財用知所以賑救之則庶幾少安不然鮮有不殃及社稷者況夫軍旅之後必有凶年煬帝不知固本且輕舉妄動以至於亡有天下者可以為鑑

十四年煬帝幸江都郡縣競刻剝以克貢獻外為盜賊所掠內為郡縣所賦生計無遺加之饑饉無食始採樹皮木葉或擣藁為末或煮土而食之然官廩猶充物吏皆畏法莫敢賑救董煟曰張官置吏本以為是必上之人諱聞荒歉也以荒歉為諱者其禍至此然天子者民之父母也子既饑餓父母其忍坐視乎今民至採樹皮擣藁末以克饑腸而上猶不知可勝歎哉隋末河南山東大水饑殍滿野死者數萬人徐世勣

言於李密曰天下大亂本為饑饉人更得黎陽倉大
 事濟矣密遣世勣襲破黎陽開倉恣民就食董煟曰
 者平居暇日其所貯積正為斯民饑饉計爾不知發
 廩賑恤乃至英雄散之以沽譽迹其禍患可不鑑歟
 然嘗觀密開洛口倉散米無防守取之者隨意多少
 或離倉之後力不能致委棄衢路自倉城至郭門米
 厚數寸為車馬所輻踐羣盜來就食者拜家屬近百
 萬占無雍益織荆筐淘米洛水兩岸千里之間望之
 如白沙密喜謂賈閏甫曰此可謂足食矣噫食也者
 民所賴以為命而輕棄若此使密得志豈生靈之福
 歟

隋末馬邑太守王仁恭不能賑施劉武周欲謀作亂
 宣言曰今百姓饑饉僵尸滿道王府君閉倉不賑恤

豈為民父母之意眾皆憤怒武周稱疾臥家豪傑俟
 問武周推牛縱酒因大言曰壯士豈能坐待溝壑倉
 粟爛積誰能與我共取之豪傑皆許諾未幾以計斬
 仁恭郡中無敢動者開倉賑貧民境內屬城皆下之
董煟曰饑饉而不發廩往往姦雄多假此號召百姓以倡亂臣觀義寧元年左翊衛郭子和坐事徙榆林會郡中大饑子和潛結敢死七十八人執郡丞王才數以不恤百姓之罪斬之開倉賑施此雖盜賊之行不足汗齒頰然亦足以為不留意賑恤者之戒
 隋末河內饑人相食李軌與義兵僭稱帝號傾家財
 以賑之不足欲發倉粟名羣臣議曹珍等曰國以民

為本豈愛倉粟坐視其死乎時有隋官心不服排珍
曰百姓饑者自是羸弱勇壯之士終不至此國家倉
粟以備不虞豈可散之以餉羸弱僕射苟悅人情不
為國計非忠臣也軌以為然由是士民離散尋致敗
亡

唐太宗問王珪曰開皇十四年大旱隋文帝不許賑
給而令百姓就食山東比至末年天下儲積可供五
十年煬帝恃其富饒侈心無厭卒亡天下但使倉庾
之積足以備凶年其餘何用哉董煟曰畜積藏於民
為上藏於官次之積

而不發者又其最次太宗必曰隋文積粟起煬帝之侈
心其規模宏遠不樂聚斂可知矣近世救荒有司鄙
吝不敢盡發常平之粟至於豐儲廣惠等倉又往往
久不支動化為埃塵諒未悉太宗之意

天寶十三年水旱相繼關中大饑楊國忠惡京兆尹
李峴不附已以災沴歸咎於峴貶長沙太守上憂兩
傷稼國忠取禾之善者獻之曰雨雖多不害稼也上
以為然扶風太守房瑄言所部水災國忠使御史摧
之是歲天下無敢言災者高力士侍側上曰淫雨不
已卿可盡言對曰自陛下以權假宰相賞罰無章陰
陽失度臣何敢言上默然

大曆二年秋霜損稼渭南令劉藻稱縣境苗獨不損
上曰霖雨溥博豈渭南獨無更命御史朱毅視之損
三千餘頃上歎曰縣令字民之官不損猶應言損乃
不仁如是乎貶藻南浦尉

貞元十四年旱民請蠲租京兆尹韓皋慮府帑已空
奏不敢實其後事聞於上貶撫州司馬

懿宗時淮北大水征賦不能辦人人思亂及龐勛反
附者六七萬人自關東至海大旱冬蔬皆盡貧者以
蓬子為麵槐葉為齏乾府中大水山東饑中官田令

按府當作符

孜為神策中尉怙權用事督賦益急王仙芝黃巢等
起天下遂亂公私困竭昭宗在鳳翔為兵所圍城中
人相食父食其子天子食粥六官及宗室多餓死而
唐祚遂亡

咸通十年陝民訟旱觀察使崔彘指庭樹曰此尚有
葉何旱之有杖之民怒作亂逐彘

同光三年大水兩河流徙莊宗與后畋遊是時大雪
軍士寒凍宰相請出庫物以給軍后不許宰相論於
延英后居屏間屬耳因取粧奩及皇子滿喜置帝前

曰諸侯所貢給賜已盡宮中惟有此耳請鬻以給軍
 及趙在禮亂始出庫物以資之軍士負而訴曰吾妻
 子已餓死得此何為上曰適得魏王報平蜀得金銀
 五十萬盡給爾等對曰與之太晚得之亦不感恩董
曰嘗攷周人財用之制有內府以受其藏有職內以
受其用豈可以縱一人之欲然天子無私藏王后無
後用者以家宰制財用之權故歲荒民乏則或薄征
或散利皆可以通融其有無天子斂其財特以為天
下之用而吾身無與焉自漢人以私藏歸之少府專
供上用後世因之為私有於是民雖告病而上不知
恤海內既貧而人主獨富凡內庫所蓄欲捐尺帛斗
粟以及民而重如丘山蓋流弊之極有如莊宗者可
歎以鑑

南楚新聞孫儒之亂米斗四十千將金玉換易僅得
 一撮一合謂之通腸米言饑人不可食他物惟廣煎
 米飲以稍通腸胃董煟曰昔唐兵圍洛陽城中乏食
投米屑作餅食之皆病身腫脚弱死者相枕倚蓋久
饑腸胃噎塞乍飽多死惟米飲可以通腸嘗記乾道
間江西大饑民有食白膳土築殺者時帥出勸農饑
民入狀借錢販糶度荒帥判云紛紛黨議立三朝五
十餘年積未消野老不知當日事尚持片紙覓青苗
當時若責上戶領錢往他處收買雜斛循環糶糶以
救饑民未必
若是也惜哉
 淳熙初王浚明曉為司農少卿嘗以平日出訪林景
 度給事值其在省林之妻浚明姪女也垂淚而訴曰

曉字忍衍

林氏滅矣驚問之曰天將曉夢朱衣人持天符來言上帝有勅林機論事害民特令滅門悸而寤猶彷彿在目也浚明固不知何事姑憫安之曰果如是自是林家將獲譴吾族何預焉無爲深戚戚以自苦因留食俟林歸從容扣近日所論奏林曰蜀帥以部內旱歉奏乞撥米十萬石賑贍卽有旨如其請機以爲米數太多蜀道不易致當審實斟酌而後與故封還勅黃上諭宰相云西川往復萬里更復待報恐於事無及姑與其半可也只此一事耳浚明輒感而去未幾

林以病馬歸至福州捐館有三子繼踵而亡王氏求諸林近親以爲嗣亦輒不允其後竟絕

饒州富民段二十八紹興丁卯歲大饑流民滿道段積穀數倉閉不肯糶一日方與家人評論物斛低昂間忽天雨晦冥火光滿屋段遂爲震雷所擊家人發倉求救其所貯穀亦爲天火所燒盡矣蓋饑者歲之不幸雖冥數如此而上帝豈不念之安有不能賑濟而又利其價之踴貴耶宜其自取誅戮也

江東運判俞亨宗賑濟踏殺婦人一百六十二人乞

待罪是未知分場分隊逐隊用旗引之法徐寧孫蘇次叅皆有成式似可通變而行大抵百人已上便慮冗雜此皆平日無紀律者况饑羸之軀易蹂踐乎徽州婺源東門縣學前姓胡人平日不以賑恤為念出納半秤大小不同開禧丙寅五月坐閣上閱簿書忽震雷擊死簿書毀斗秤割折其妻為神物擒下肢體無傷間巷之人皆知之

荒政要覽卷之九

雲間俞汝為輯錄

陽平孟楠

檇李金汝礪訂正

備荒樹藝

語云木奴千無凶年嘗觀我

太祖高皇帝念民乏食洪武二十年令陽鳳滁州和

州廬州每戶種桑二百株種柿二百株種棗

一百株用防饑歲至二十七年復命戶部徧

行天下正統四年

詔諭令行事宜內載一款云所種桑棗有司時加提督務求成效不在起科之數仰見

祖宗愛養黎元至意今考樹藝之有裨荒政者并水生陸種備列焉叙樹藝第九

洪武二十七年甲戌

命戶部行文書教天下百姓務要多種桑棗每二戶初年二百株次年四百株三年共六百株栽種過數目造冊周知違者全家發遣充軍諭工部臣曰人之

常情安於所忽飽即忘饑暖即忘寒不思為備一旦卒遇凶荒則茫然無措也深知民艱百計以勸督之俾其咸得飽煖近年以來時歲頗豐民庶給足田里皆安者可以無憂也然預防之計不可一日而忘爾工部其諭民間但有隙地皆令種植桑棗或遇凶歉可為衣食之助

棗

棗類最多爾雅曰壺棗邊要棗擠切今白棗楨酸棗遵羊棗楊徹齊棗洗大棗煮填棗蹶泄苦棗哲無實

哲當作哲

按郭璞註

文字顛倒

錯亂不可

讀焉仍是

正之

爾雅第九

釋木篇郭

璞註曰今

江東呼棗

大而銳上

者為壺壺

猶瓠也子

細腰今謂

之鹿盧棗

擠即今棗

子白乃熟

穠穠小實

酢遵實小

而圓紫黑

色今俗呼

羊矢棗洗

大棗今河

齊政要覽 卷之九

棗還味拾而諸郭璞註江東呼棗大而銳瓠也要

熟檳樹小實酢遵實小而圓紫黑擠即今棗子白河

東猗氏縣出大棗如雞卵蹶泄色俗呼羊矢棗洗今

味短味也楊子味苦哲廣志曰河東安邑棗東郡穀

不着子還徹煮未詳城紫棗長二寸西王母棗大如李核河東汲郡棗一名

東海蒸棗洛陽夏白棗安平信都大棗梁國夫人棗

大白棗名曰臈谷三星棗駢白棗灌棗又有狗牙雞

心牛頭羊矢獼猴細腰之名又有氏棗木棗崎廉棗

桂棗夕棗西京雜記曰有弱枝棗玉門棗棠棗青花

棗赤心棗潘岳閒居賦有周文弱枝之棗丹棗青州

有樂氏棗豐肌細核多膏肥美世傳樂毅從燕齋來

所種也齊民要術曰旱勞之地不任耕稼者歷落種

棗則任矣棗性燥故又曰常選好味者畱栽之候棗

葉始生而移之棗性硬故生晚三步一樹行欲相當

地不耕也欲令牛馬踐履令淨生棗性堅強若耕荒穢則蟲

實故宜正月一日日出時反斧班駁椎之名曰嫁棗

踐也不椎斫則花而候大蠶入簇以杖擊其枝間振去狂

無實萎而落全赤即收收法日日撼而落之為上味

花不實不成赤而收者肉味充滿乾則色黃而皮皺將赤曬棗法

亦不佳全赤久不收則皮硬復有烏鳥之費

荒汝要覽

卷之九

三

味一作未

下同

東猗氏縣
出大如鷄
卵蹶泄子
味苦哲不
著子者還
味短味也
楊徹煮填
未詳

反谷一作
以谷

味一作未
下同

齊民要術
日得霜露
氣速成陰
雨時乃聚
而苦蓋之
日字之上
有後字
要術曰厨
上者已乾
雖厚一尺
亦不壞

先治地令淨有草葉布椽於箔上以扒兵枝反聚而
復散之一日中二十度乃佳夜仍不聚得霜速成露
陰雨苦五六日別擇取紅軟者上高厨而曝之厨已
蓋之厚一尺上去胨溲江切爛者胨者水不乾其未乾者曬
曝如法食經曰作乾棗法新菰蔣露於庭以棗着上
厚三寸復以蔣覆之凡三夜三日撤覆露之畢日曝
取乾納屋中率一石以酒一升漱著器中密泥之經
數年不敗本草衍義曰青州棗去皮核焙乾為棗圈
尤為奇果棗油法鄭玄曰搗棗實和以塗繒上燥而

形似油也棗脯法切棗曝之乾如脯也作酸棗麩法
多收紅軟者箔上日曝令乾大釜中煮之水僅自淹
一沸即漉出盆研之生布絞取濃汁塗盤上或盆中
盛暑日曝使乾漸以手摩掌取為末以方寸匕投一
椀中甜酸味足即成美漿遠行用和米麩饑渴俱當
也夫棗詠於詩記於禮不特為可薦之果用以入藥
調和胃氣其功不少今南北皆有之然南棗堅燥不
如北棗肥美生於青晉絳州者尤佳太史公稱安邑
千樹棗其人與千戶侯等則棗之為利顧不博哉

不字之上
有者字

本草云大棗味甘性平無毒殺烏頭毒牙齒有病入
切忌食生棗味甘辛多食令人寒熱腹脹羸瘦不可
食惟蒸煑食補腸胃肥中益氣不宜合葱食救荒採
嫩葉燂熱水浸作成黃色淘淨油鹽調食其棗紅熟
時摘取食之其結生硬未紅時煑食亦可

栽棗法三月棗芽發時栽棗樹每坡陡地一畝各栽
棗樹八十株

栗 榛附

栗陸機疏曰五方皆有之周秦吳揚特饒惟漢陽及

惟本草作
錐

范陽生者味美他方不及本草圖經曰兗州宣州者
最勝果中栗最有益治腰脚之疾愚嘗見燕山栗小
而味最甘蜀本圖經曰板栗佳栗二木皆大又有茅
栗似栗而細衍義曰湖北有一種栗頂圓末尖謂之
旋栗榛亦栗屬實最小詩曰樹之榛栗是也本草曰
生遼東山谷樹高丈許子如小栗中土亦有鄭玄云
關中鄜切坊甚多齊民要術曰栗種而不栽栽者
死尋栗初熟出殼即於屋裏埋著濕土中埋必須深勿
遠者以韋覆囊盛之停至春二月芽生出而種之
日以上及見風白則不生

新字在片
字下

本書後字
之下有年
燥字作燥
字丑字作
二字并字
之上有生
字

齊政要覽卷之六

既生數年不用掌近此栽樹皆不宜三年內每到十
月常須草裹至二月乃解不裹則凍死種榛法與栗同本
草圖經曰栗欲乾莫如曝欲生莫如潤食經曰藏乾
栗法取穰灰淋汁漬栗取出日中曬令栗肉焦燥可
至後春夏藏生栗法着器曬細沙可燥以盆覆之至
後年五月芽而不生蟲按史記秦饑應侯請發五苑
之棗栗由是觀之本草所謂栗厚腸胃補腎氣令人
耐饑殆非虛語史記又言燕秦千樹栗其人與千戶
侯等栗之利誠不減於棗矣本草言遼東榛子軍行

食之當糧榛之功亦可亞於栗也

銀杏

銀杏之得名以其實之白一名鴨脚取其葉之似其
木多歷歲年其大或至連抱可作棟梁夫樹有雌雄
者結果其實亦有雌雄之異種時雖合種之臨池而
種熙影成實春分前後移栽先掘深坑水攪成稀泥
然後下栽子掘取時連土封用草要或麻繩纏束則
不致碎破土封其子至秋而熟初收時小兒不食食
則昏霍惟炮煮作糲食為美以澣油甚良類如綠李

雖一作須
照一作照

不食之間
有可字

齊政要覽卷之六

積而腐之惟取其核即银杏也梅聖俞詩云北人見鴨脚南人見胡桃識內不識外疑若橡栗韜正謂是耳今人以其多而易得往往賤之然絳囊入貢玉碗薦酒其初名價亦豈減於蒲萄安石榴哉

柿

三月間秧黑棗備接柿樹上戶秧五畦中戶秧三畦下戶秧二畦凡坡陡地內各密栽成行柿成做餅以佐民食

芋

要術中為
羨雁之四
字作可
蕪雁
模當作模
要術籒字
作籒字飯
器也

芋一名土芝齊人曰苕蜀呼為蹲鴟在在有之蜀漢為最顏師古注葉如荷長而不圓莖微紫乾之亦中食根白亦有紫者其大如斗食之味甘旁生子甚夥拔之則連茹而起宜蒸食亦中為美臞東坡所謂玉糝羹者此也煮法宜先用鹽微滲之則不模糊廣志所載凡十四種其大如斗魁如簇者名君子芋子少而魁大者為談善芋子多而魁亦大者為一果芋畝收百斛又有車轂鋸子青邊旁巨四種惟多子他如綠枝生而色之黃者則有雞子芋蔓生而根如鵝鴨

要術曰率
三尺一根
漸加土
壅之

卵者則有博士芋餘悉下品不復具錄凡此諸芋皆
可乾醋亦可藏至夏食之種宜軟白沙地近水為善
芋畏旱故區深可三尺許區行欲寬寬則過風芋本
宜近水
欲深深則根大率漸二尺一根春宜種秋宜壅立夏
生卵秋失壅霜降揆其葉使收液以美其實則芋愈
大而愈肥汜勝之書云區方深各三尺下實豆箕尺
有五寸以糞着箕上深如其箕一區種五本復以糞
土上覆之旁四本中一芋成箕爛皆長三尺此亦良
法今之農不然但於淺土秧子俟苗成移就區種故

列傳當作
列仙傳
率一作卒

其利亦薄其可不知此法按列傳云酒客為梁使丞
民益種芋三年當大饑率如其言而梁民得不死卓
氏曰岷山之下沃野有蹲鴟至死不饑且失五穀之
種或豐或歉天時使然芋則繫之人力若種藝有法
培壅及時無不獲利以之度凶年濟饑饉助穀食之
不及故次於稼穡之後

本草一名土芝俗名芋頭生田野中今處處有之人
家多栽種葉似小荷葉而偏長不圓近蒂邊皆有一
剗音霍兒根狀如雞蛋大皮色茶褐其中白色味辛性

須要二字
顛倒

平有小毒葉冷無毒
又云有六種青芋細長毒多初煮須要灰汁換水煮
熟乃堪食白芋真芋連禪芋紫芋毒少蒸煮食之又
宜冷食療熱止渴野芋大毒不堪食也

芡

芡一名雞頭一名鴈頭山谷詩云剖蚌煮鴻頭是也
葉大如荷皺而有刺花開向日花下結實故菱氣而
芡暖其莖莢之嫩者名為莢人採以為菜茹八月採
擘破取子散著池中自生雞頭作粉食之甚妙河北

氣字水草
作寒字為
字作莢

溲當作燥

沿漭溲居人採之春去皮搗為粉蒸溲作餅可以代
糧蘘遂守渤海勸民秋冬益蓄菱芡蓋謂其能充饑
也又其近根莖莢音嫩者名為莢音莢人採以為菜茹
實味甘性平無毒救荒採嫩根莖燥食實熱剝食之
蒸過烈日曬之其皮即開春去皮搗為粉蒸燥作餅
皆可食多食不益脾胃氣兼難消化生食動風冷氣
與小兒食不能長大

菱

菱一名菱菱陵也世謂之菱角葉浮水上花開背日

陵當作菱

實有二種一種四角一種兩角又有青紫之殊秋上
子黑熟時收取散着池中自生生食性冷煮熟爲佳
蒸作粉蜜和食之尤美江淮及山東曝其米以爲食
可以當糧猶以稷爲資也

菌蕈

吳興掌故云湖中大旱乏食見其采菌蕈食之予止
其有毒山人云凡色大紅及黑白色者俱不可食惟
淡紅色者無毒予讀夷堅志所云簡坊大蕈及金谿
田僕至殞命者十四人癸辛志載感慈庵僧得奇蕈

事死者十餘人凡蕈之奇且大者有毒無疑蕈受濕
熱之氣謹疾者宜詳之兩河初夏生磨菰卽蕈也極
大者亦不可食惟種出者無毒種以爛楮木數寸碎
之埋土中以米泔灌卽生不出三日矣閩中種香蕈
法見王氏農書

蕨

州縣境內多野山產蕨處荒時百姓入山尋採度命
其苗曰蕨箕春初可作菜其根深者至三四尺每根
二斤搗取粉水澄細者可充一夫一日之食自九月

至二月可採至三月穿芽則根虛不可食可救半年
荒也元人黃君瑞歌云信哉鄉民蕨作糧三月懷饑
聚頭哭蕨箕開葉不可食蕨根有粉聊鋤鏡觀此則
三月以後不可食矣蕨性極寒損胃氣須雜米粉食
之否則病黃

山藥

山藥本名薯蕷以山土所宜故名山藥種忌大糞濟
寧州以牛馬乾糞種之然黑土不如黃沙土平地種
者無益可以充食療饑兼作東坡玉糝羹

大忌

筍粥法附

吳興掌故云嘗見山僧作筍粥幽尚可愛又云山僧
煮筍用大塊云薄則味脫大塊久煮令軟其味自全
贊寧寄問天目舊友山中所出伊僧報詩云山中人
事違天眼中修定我本無根株只將筍為命但筍亦
有毒須用薑或茱萸醬制之一說滑利大腸而益於
肺謂之刮腸筍云竹實少陽之氣而尅脾土

淡黃蘗煮粥法附

取菜洗淨貯缸中用麥麩入滾熱水調極薄漿澆菜

上以石壓之不用鹽滲六七日後菜變黃色味有微酸便成黃齏矣此後但以菜投入齏汁中便可作齏更不復用麵取齏切碎齏米相兼煮粥食之每米二升可當三升之用雖不及純米養人充塞饑腸聊以免死亦儉歲節縮之一法也往從陽羨山中野人家得此法念其可以度荒每用語人且如此用菜菜之用益弘穀不熟曰饑菜不熟曰饑古人饑饉並言良有以也

辟穀方附

用黃蠟炒粳米充饑食胡桃肉即解

千金方附

蜜二斤白麩六斤香油二斤茯苓四兩甘草二兩生薑四兩去皮乾薑二兩炮為末拌勻搗為塊子蒸熟陰乾為末絹袋盛每服一匙冷水調下可待百日

生服松柏葉法附

用茯苓骨碎補杏仁甘草搗羅為末取生葉蘸水衮藥末同食香美

食草木葉法附

用杜仲醋鹽炒茯苓甘草荆芥等分爲末糊丸如桐子大每服數丸細嚼卽喫草木可以充饑止有竹葉惡草不可食嘗見苦行僧人入山耽靜必炒鹽入竹筒携往云食草葉有毒惟鹽可解

食生黃豆法

附

取檳樹葉同生黃豆嚼之味不作嘔可以下咽每食豆二三合可度一日

服百滾水法

附

水經百滾煎熬亦能補人曾在嚴陵見衲僧枯坐深

崖多積山柴每日煎服沸水數碗棗數枚芝麻合許經百日不死

療垂死饑人法

附

邊海有失風船飄至塘船中人餓將絕者急與食往往狼吞致死有煮稀粥潑卓上令饑人漸漸吮食之盡生饑腸微細不堪頓食也

救水中凍死人法

附

凡隆冬冒冰雪或入水中凍死急取綿絮蓋煖用熱灰鋪心臍間可活若遽用火烘炙逼冷氣入內多不

能生

能生... 荒政要覽卷之九... 十三

荒政要覽卷之十

雲間俞汝為輯錄

陽平孟楠

檇李金汝礪訂正

救荒本草

人非五穀不生五穀盡而糠粃糠粃盡而草根木葉此束手待斃之術也錄之良可於邑萬一山叟澤丁可藉緩須臾死其何忍廢第生計窮促至此不展轉溝壑者無幾已譜草

木第十

縮青稍生
角開兒

大藍生河內平澤今處處有之人家園圃中多種苗
高尺餘葉類白菜葉微厚而狹窄尖削淡粉青色莖
又稍間開黃花結小莢其子黑色本草謂菘藍可以
為靛染青以其葉似菘菜故名菘藍又名馬藍爾雅
所謂葳馬藍是也味苦性寒無毒採葉煤熟水浸去
苦味油鹽調食

車輪菜本草名車前子一名當道一名芨芨一名蝦
蟞衣一名牛遺一名勝鳥爾雅云馬鳥幽州人謂之

一舌草生滁州及真定平澤今處處有之春初生苗
葉布地如匙面累年者長及尺餘又似玉簪葉稍大
而薄葉叢中心攢莖三四莖作長穗如鼠尾花甚密
青色微赤結實如葶藶子赤黑色生道傍味甘鹹性
寒無毒一云味甘性平葉及根味甘性寒採嫩苗葉
煤熟水浸去涎沫淘淨油鹽調食

夏枯草本草一名夕句一名乃東一名燕回生蜀郡
川谷及河淮浙滁平澤今祥符西田野中亦有之苗
高一三尺其葉對節生葉似旋覆葉而極長大邊有

回字本草
作面字

細鋸齒背白上多氣脉紋路葉端開花作穗長二三寸許其花紫白似丹參花葉味苦微辛性寒無毒土瓜為之使俗又謂之鬱臭苗非是採嫩葉煤熟換水浸淘去苦味油鹽調食

馬蘭頭本草名馬蘭舊不著所出州土但云生澤傍如澤蘭北人見其花呼為紫菊以其花似菊而紫也苗高一二尺莖亦紫色葉似薄荷葉邊皆鋸齒又似地瓜兒葉微大味辛性平無毒又有山蘭生山側似劉寄奴葉無極不對生花心微黃赤採苗葉煤熟新

汲水浸去辛味淘洗淨油鹽調食

秋音險

稀蒼俗名粘糊菜俗又呼火秋草舊不著所出州郡今處處有之苗高二四尺金稜銀線素根紫稽莖義對節而生莖葉頗類蒼耳莖葉絞脉豎直稍葉開花深黃色又有一種苗葉似芥葉而尖狹開花如菊結實頗似鶴虱科苗味苦性寒有小毒採嫩苗葉煤熟水浸去苦味淘洗淨油鹽調食

金盞兒花人家園圃中多種苗高四五寸葉似初生萵苣葉比萵苣葉狹窄而厚抽莖生葉莖端開金黃

拂布散也

色多子樣花其葉味酸採苗葉燂熟水浸去酸味淘淨油鹽調食

攢簇也

杜當歸生密縣山野中苗高一尺許莖圓而有縷櫛葉似山芹菜葉而硬邊有細鋸齒刺又似蒼米葉而大每二葉攢生一處開黃花根似前胡根又似野葫蘿蔔根其葉味甜採葉燂熟水浸作成黃色換水淘洗淨油鹽調食

百合一名重箱一名摩羅一名中逢花一名強瞿生荆州山谷今處處有之苗高數尺莖麗如箭四面有

本草莖字之下有處字

子字之下有紫字

生中二字

葉如雞距又似大柳葉而寬青色稀疎葉近莖微紫莖端碧白開淡黃白花如石榴鬚而大四垂向下覆長藥花心有檀色每一顛須五六花子色圓如梧桐子生于枝葉間每葉一子不在花中此又異也根色白形如松子殼四向生中攢生中間出苗又如葫蒜重疊生二三十瓣味甘性平無毒一云有小毒又有一種開紅花名山丹不堪用採根煮熟食之甚益人氣又云蒸食之或為粉

天門冬俗名萬歲藤又名娑羅樹本草一名顛勒或

本蔓股字
作斂字

名地門冬或名筵門冬或名巔棘或名淫羊食或名
管松生奉高山谷及建州漢州今處處有之春生藤
蔓大如股股長至丈餘延附草木上葉如茴香極尖
細而疎滑有逆刺亦有澁而無刺者其葉如絲杉而
細散皆名天門冬夏生白花亦有黃花及紫花者秋
結黑子在其根枝傍入伏後無花暗結子其根白或
黃紫色大如手指長二三寸大者為勝其生高地根
短味甜氣香者上其生水側下地者葉細似蘊而微
黃根長而味多苦氣臭者下亦可服味苦甘性平大

寒無毒垣衣地黃及貝母為之使畏曾青服天門冬
誤食鯉魚中毒薄萍解之採根換水浸去邪味去心
煮食或晒乾煮熟食

章柳根本草名商陸一名葛根一名夜呼一名白昌
一名當陸一名章陸爾雅謂之遂蕩廣雅謂之馬尾
易謂之莧陸生咸陽川谷今處處有之苗高二四尺
葉似雞冠花葉微有線櫛色微紫赤葉青如牛舌
微潤而長根如人形者有神亦有赤白二種花赤根
亦赤花白根亦白赤者不堪服食傷人乃至痢血不

已白者堪服食又有一種名赤白苗葉絕相類不可用須細辨之

商陸味辛酸一云味苦性平有毒一云性冷得大蒜良取白色根切作片子煤熟換水浸洗淨淡食得大蒜良凡製薄切以東流水浸二宿撈出與豆葉隔間入甑蒸從午至亥如無葉用豆依法蒸之亦可花白者年多

麥門冬本草云秦名羊韭齊名愛韭楚名馬韭越名羊著一名禹葭一名禹餘糧生隨州陸州及函谷堤

經當作江

坂肥土石間久廢處有之今輝縣山野中亦有葉似韭葉而長冬夏長生根如穉麥而白色出紅寧者小潤出新安者大白其大者苗如鹿葱小者如韭味甘性平微寒無毒地黃車前為之使惡款冬苦瓠苦美畏木耳苦參青蘘採根換水浸去邪味淘洗蒸熟去心食

苧根舊云閩蜀江浙多有之今許州人家田園中亦有種者皮可績布苗高七八尺一科十數莖葉如楮葉而不花又面青背白上有短毛又似蘇子葉其葉

本草不花
又之三字
作無文

間出細穗花如白楊而長每一朵凡十數穗花青白
色子熟茶褐色其根黃白色如羊指麓宿根地中至
春自生不須藏種荆楊間一歲二三刈剝其皮以竹
刀刮其表厚處自脫得裏如筋者煮之用緝以帶近
蠶種之則蠶不生根味甘性寒採根刮洗去皮煮極
熟食之

蒼朮一名山薊一名山薑一名山連一名山精生鄭
山漢中山谷今近郡山谷亦有嵩山茅山者佳苗淡
青色高二三尺莖作蒿幹葉拂莖而生稍葉似棠葉

榆當作榆

脚葉有三五義皆有鋸齒小刺開花紫碧色亦似刺
薊花或有黃白花根長如指大而肥實皮黑茶褐色
味苦甘一云味甘辛性溫無毒防風地榆為之使採
根去黑皮薄切浸二三宿去苦味煮熟食亦作煎餌
久服輕身延年不饑

菖蒲一名堯韭一名昌陽生上洛池澤及蜀郡嚴道
戎衛衡州并嵩岳石磧上今池澤處處有之葉似蒲
而匾有脊一如劍刀其根盤屈有節狀如馬鞭幹太
根傍引三四小根一寸九節者良節尤密者佳亦有

十二節者露根者不可用又一種名蘭蓀又謂溪蓀根形氣色極似石上菖蒲葉正如蒲無脊俗謂之菖蒲生于水次失水則枯其菖蒲味辛性溫無毒秦皮秦朮為之使惡地膽麻黃不可犯鐵令人吐逆採根肥大節稀水浸去邪味製造作果食之

老鴉蒜生水邊下濕地中其葉直生出土四垂葉狀似蒲而短背起劍脊其根形如蒜瓣味甜採根燂熟水浸淘淨油鹽調食

山蘿蔔生山谷間田野中亦有之苗高五七寸四散

一當作苦

分生莖葉其葉似菊葉而濶大微有艾香每莖五七葉排生如二葉稍間開紫花根似野胡蘿蔔而黯白色味苦採根燂熟水浸淘去一味油鹽調食

結當作桔

地參又名山蔓菁生鄭州沙崗間苗高一二尺葉似初生桑科小葉微短又似結梗葉微長開花似鈴鐸樣淡紅紫色根如母指大皮色蒼肉黯白色味甜採根煮食

雀麥本草一名燕麥一名薈生于荒野林下今處處有之苗似燕麥而又細弱結穗像麥穗而極細小每

採又當作

留當作苗

穗又分作小又穗十數個子甚細小味甘性平無毒
採子春去皮搗作麵蒸食作餅食亦可
燕麥田野處處有之其留似麥攬莖但細弱葉亦瘦
細抽莖而生結細長穗其麥粒極細小味甘採子春
去皮搗磨為麵食

稗子有二種水稗生水田邊旱稗生田野中今皆處
處有之苗葉似稔子葉色深綠脚葉頗帶紫色稍頭
出匾穗結子如黍粒大茶褐色味微苦性微溫採子
搗米煮粥食蒸食尤佳或磨作麵食皆可

煨當作煤

黃精苗俗名筆管菜一名重樓一名菟竹一名雞格
一名救窮一名鹿竹一名萎蕤一名仙人餘糧一名
垂珠一名馬箭一名白及生山谷南北皆有之嵩山
茅山者佳根生肥地者大如拳薄地者猶如拇指葉
似竹葉或兩葉或三葉或四五葉俱皆對節而生味
甘性平無毒又云莖光滑者謂之太陽之草名曰黃
精食之可以長生其葉不對節莖葉毛鈎子者謂之
太陰之草名曰鈎吻食之入口立死又云莖不紫花
不黃為異採嫩葉煨熟換水浸去苦味淘洗淨油鹽

本草綱目卷之十一

極當作皆

調食山中人採根九蒸九暴食甚甘美其蒸暴用瓦
去底安釜上裝置黃精令滿密蓋蒸之令氣潤即暴
之如此九蒸九暴令極熟若不熟則刺人喉咽生者
若初服只可一寸半漸漸增之十日不食他食能長
服之止三二尺又云花實極可食罕得見至難得
地黃苗俗名婆婆妳一名地髓一名芑一名芑生咸
陽川澤今處處有之苗初揚地生葉如山白菜葉而
毛澁面深青色又似芥葉葉而不花又比芥葉葉頗
厚葉中攏莖上有細毛莖稍開筒子花紅黃色北人

揚當作場

得字當在
蕪蕪之上

謂之牛奶子花結實如小麥粒蕪蕪得麥門冬清酒
良忌鐵器採葉煮羹食或搗絞根汁搜麵作餅飪及
泠淘食之或取根浸洗淨九蒸九暴任意服食或煎
以為食

保寧本草
作棟字音
未包實之
房也

牛芴子本草名惡實未去莖名鼠粘子俗名夜叉頭
根謂之牛菜生魯山平澤今處處有之苗高二三尺
葉如芋葉長大而澁花淡紫色實似葡萄而褐色外
殼如栗侏而小多刺鼠過之則綴惹不可脫故名殼
中有子如半麥粒而匾小根長尺餘麓如拇指其色

灰黝味辛性平一云味甘無毒採苗葉煤熟水浸去邪氣淘洗淨鹽油調食及取根水浸洗淨煮熟食之久食甚益人

蒲筍本草名其苗為香蒲即甘蒲也一名睢一名醜俚俗名此蒲為香蒲謂苜蒲為臭蒲其香蒲水邊處處有之根比苜蒲根極肥大而少節其葉初未出水時葉莖紅白色採以為筍後攏梗於葉葉中花抱梗端如武上棒杵故俚俗謂蒲棒蒲黃即花中葉屑也細若金粉當欲開時有便取之市廛間亦採之以蜜

業當作叢
上作土葉
作蓋

本草有字
無

味平之平
當作甘

搜作果食貨賣甚益小兒味平性平無毒採近根白筍揀剝洗淨煤熟油鹽調食蒸食亦可或採根剝去籠皴晒干磨麵打餅蒸食皆可

蘆筍其苗名葦子草本草有蘆根爾雅謂之葭莖生下濕陂澤中其狀都似竹但差小而葉抱莖生無枝又花白作穗如茅花根如竹根亦差小而節疎露出浮水者不堪用味甘一云甘辛性寒採嫩筍煤熟油鹽調食其根甘甜亦可生啞食之

啞與嚼同

茅芽根本草名茅根一名蘭根一名茹根一名地管

穰也

一名地筋一名兼杜又名白茅管其芽一名茅針生楚地山谷今田野處處有之春初生苗布地如針夏生白花茸茸然至秋而枯其根至潔白亦甚甘美根性寒茅針性平花性温俱味甘無毒採嫩芽剝取嫩穰食甚益小兒及取根啞食甜味久服利人瓜樓根俗名天花粉本草有括樓實一名地樓一名果羸一名天瓜一名澤姑一名黃瓜生弘農川谷及山陰地今處處有之入土深者良生鹵地有毒詩所謂果蓏之實是也根亦名白藥大者細如手臂皮黃

本草細字
無之

本草入半
作瓜字而
字下有容
字安字作
實字
按乾藤之
藤當作漆

添音屑本
草作瀉字

肉白苗引藤蔓葉似甜入葉而作花又有細毛開花似葫蘆花淡黃色安在花下大如拳生青熟黃根味苦性寒無毒枸杞爲之使惡乾姜畏牛膝乾藤反烏頭採根削皮至白處寸切之水浸一日一次換水浸經四五日取出爛搗研以絹袋盛之澄濾令極細如粉或將根晒乾搗爲麵水浸澄添一十餘遍使極膩如粉或爲燒餅或作煎餅切細麵皆可食採括樓穰煮粥食極甘取子炒乾搗爛用水煎油用亦可菊花一名節花一名日精一名女節一名女花一名

女莖一名更生一名周盈一名傳延年一名陰成生
雍州川澤及鄧衡齊州田野今處處有之味苦甘性
平無毒木枸杞桑根白皮爲之使取莖紫氣香而味
甘者採葉燂食或作羹皆可青莖而大氣味作蒿苦
者不堪食名苦蕒其花亦可燂食或炒茶食

金銀花本草名忍冬一名鷺鷥藤一名左纏藤一名
金釵股又名老翁鬚亦名忍冬藤舊不載所出州土
今輝縣山野中亦有之其藤凌冬不凋故名忍冬草
附樹延蔓而生莖微紫色對節生葉葉似薜荔葉而

拖引也

又當作義

當作辣

青又似水茶舊葉頭微團而軟背頗澁又似黑豆葉
而大開花五出微香蒂帶紅色花初開白色經一二
日則色黃故名金銀花本草中不言善治癰疽發背
近代名人用之奇効味甘性溫無毒採花燂熟油鹽
調食及採嫩葉換水煮熟浸去邪氣淘淨油鹽調食
大蓼生密縣梁家衢山谷中拖藤而生莖有線櫛而
頗硬對節分生莖又葉亦對生葉似山蓼葉微短而
攀曲節間開白花其葉味苦微疎採葉燂熟換水浸
去辣味作成黃色淘洗淨油鹽調食花亦可燂食

在處當作
處處

果當作粟

菱筍本草有菰根又名菰蔣草江南人呼為菱草俗
又呼為菱白生江東池澤水中及岸際今在處水澤
邊皆有之苗高二三尺葉似蔗荻又似茅葉而長大
潤厚葉間攢葶葶開花如葦結實青子根肥剝取嫩白
筍可噉久根盤厚生菌細嫩亦可噉名菰菜三年已
上心中生葶如藕白軟中有黑脉甚堪噉名菰首味
甘性大寒無毒採菱菰筍燂熟油鹽調食或採子春
為米合粟煮粥食之甚濟饑

菰下有有
字

朝開幕斂花與枝兩用湖南北人家多種植為籬障
亦有千葉者人家園圃多栽種性平無毒葉味甜採
嫩葉燂熟冷水淘淨油鹽調食

白楊樹本草白楊樹皮舊不載所出州土今處處有
之此木高大皮白似楊故名葉圓如梨肥大而尖葉
背甚白葉邊鋸齒狀葉蒂小無風自動也味苦性平
無毒採嫩葉燂熟作成黃色換水淘去苦味洗淨油
鹽調食

椿樹芽本草有椿木樗木舊不載所出州土今處處

本草又作之

有之二木形幹大抵相類椿木實而葉香可噉樗木
疏而氣臭膳夫熬去其氣亦可噉北人呼樗為山椿
江東人呼為虎目葉脫處有痕如樗蒲子又眼目故
得此名夏中生莢樗之有花者無莢有莢者無花莢
常生臭樗上未見椿上有莢者然世俗不辨椿樗之
異故俗名為椿莢其實樗莢耳其無花不實木大端
直為椿有花而莢木小幹多迂矮者為樗椿味苦有
毒樗味苦有小毒性溫一云性熱無毒採嫩芽燥熟
水浸淘洗油鹽調食

本草稱字作椿字

冬青樹生密縣山谷間樹高丈許枝葉似枸杞子樹
而極茂盛凌冬不凋又似樗子樹葉而小亦似稭芽
葉微窄頭頗團而不尖開白花結子如豆粒大青黑
色葉味苦採芽葉燥熟水浸去苦味淘洗淨油鹽調
食
檀樹芽生密縣山野中樹高一二丈葉似槐葉而長
大開淡粉紫花葉味苦採嫩芽葉燥熟換水浸去苦
味淘洗淨油鹽調食
橡子樹本草橡實櫟木子也其殼一名杼上與斗所切

賜當作賜

仙上當有列字

其當作去

本草一牛作二字

不當作而

春當作春

在山谷有之木高二三丈葉似栗葉而大開黃花其實橡也有林彙自裹其殼即橡斗也橡實味苦澁性微溫無毒其殼斗可染皂取子換水浸煮十五次淘去澁味蒸極熟食之厚腸胃肥健人不饑

栢樹本草有栢實生太山山谷及陝州宜州其乾州者最佳密州側栢葉尤佳今處處有之味甘一云味甘辛性平無毒葉味苦一云味苦辛微溫無毒牡礪及桂瓜子為之使畏菊花羊蹄草諸石及麴麴仙傳云赤松子食栢子齒落更生採栢葉新生拜嫩者換

水浸其苦味初食苦澁入蜜或棗肉和食尤好後稍易喫

皂莢樹生雍州川谷及魯之鄒縣懷孟產者為勝今處處有之其木極有高大者葉似槐葉瘦長而尖枝間多刺結實有三種形小者為猪牙皂莢良又有長六寸及尺一者用之當以肥厚者為佳味辛鹹性溫有小毒栢實為之使惡麥門冬畏空青人參苦參可作沐藥不入湯採嫩芽燂熟換水浸洗淘淨油鹽調食又以子不以多少炒春去赤皮浸軟煮熟可食

褚當作楮
下同

褚桃樹本草名褚實一名穀食生少室山今所在有
之樹有二種一種皮有班花紋謂之班穀人多用皮
為冠一種皮無花紋枝葉大相類其葉似葡萄葉作
瓣又上多毛澁而有子者為佳其桃如彈大青綠色
後漸變深紅色乃成熟浸洗去穢取中子入藥一云
皮班者是楮皮白者是穀皮可作紙實味甘性寒葉
味甘性涼俱無毒採葉并褚桃帶花煤爛水浸過握
乾作餅焙熟食之或取樹熟褚桃紅藥食之甘美不
可久食令人骨軟

柘樹本草有柘木舊不載所出州土今北土處處有
之其木堅勁皮紋細密上多白點枝條多有刺葉比
桑葉甚小而薄色頗黃淡葉稍皆三叉亦堪飼蠶綿
柘刺少葉似柿葉微小枝葉間結實狀如褚桃而小
熟則亦有紅藥味甘微苦柘木味甘性溫無毒採嫩
葉煤熟以水浸如作成黃色換水浸去邪味再以水
淘淨油鹽調食其實紅熟甘酸可食
青檀樹生中牟南沙崗間其樹枝條有紋細薄葉形
類棗葉微尖觚背白而澁又似白辛樹葉微小開白

本草綱目卷之二十一

十一

花結青子如梧桐子大葉味酸澁實味甘酸採葉煤
熟水浸淘去酸味油鹽調食其實成熟亦可摘食
槐樹芽本草有槐實生河南平澤今處處有之其木
有極高大者爾雅云槐有數種葉大而黑者名榲
切槐晝合夜開者名守宮槐葉細而青綠者但謂之
槐其功用不言有別開黃結實似豆角狀味苦酸鹹
性寒無毒景天為之使採嫩芽煤熟換水浸淘洗去
苦味油鹽調食或採黃花炒熟食之
桑椹樹本草有桑根白皮舊不載所出州土今處處

本草黃下
有花字

有之其葉飼蠶結實為桑椹有黑白二種桑之精英
盡在於椹桑根白皮東行根益佳肥白者良出土者
不可用殺入味甘性寒無毒製造忌鐵器及鉛葉極
者名雞桑最堪入藥續斷麻子桂心為之使桑椹味
甘性暖或云木白皮亦可用採桑椹熟者食之或熬
成膏攤於桑葉上晒乾搗作餅收藏或直取椹子晒
乾可藏經年及取椹子清汁置瓶中封三二日即成
酒其葉嫩老皆可煤食皮炒乾磨麵可食
榆錢樹本草有榆皮一名零榆生潁川山谷秦州今

處處有之其木高大春時未生葉其枝條間先生榆
 莢形狀似錢而薄小色白俗呼為榆錢後方生葉似
 山茱萸葉而長尖梢潤澤榆皮味甘性平無毒採肥
 嫩榆葉燂熟水浸淘洗油鹽調食其榆錢煮糜羹食
 佳但令人多睡或焯過晒乾備用或為醬皆可食榆
 皮刮去其上乾燥皴澁者取中間軟嫩皮剉碎晒乾
 炒焙極乾搗磨為麵拌糖麩草末蒸食取其滑澤易
 食又云榆皮與檀皮為末服之令人不饑根皮亦可
 搗磨為麵食

春當作春
 人當作仁

蕎麥苗處處種之苗高一二尺許就地科又生其莖
 色紅葉似杏葉而軟微解開小白花結實作三稜蒴
 兒味甘平性寒無毒採苗葉燂熟油鹽調食多食微
 瀉其麥或蒸使氣餽於烈日中晒令口開春取入煮
 作飯食或磨為麵作餅蒸食皆可

赤小豆本草舊云江淮間多種蔣今北土亦多有之
 苗高一二尺葉似豇豆葉微團解開花似豇豆花微
 小淡銀褐色有腐氣人故亦呼為腐婢結角比紫豆
 角頗大角之皮色微白帶紅其豆有赤白蠶色三種

味甘酸性平無毒合鮮食成消渴為醬合鮮食成口
瘡人食則體重採嫩葉燂熟水淘洗淨油鹽調食明
目豆角亦可煮食又法赤小豆一升半炒大豆黃一
升半焙二味搗末每服一合新水下日三服盡三升
可度十日不饑又說小豆食之逐津液行小便久
服則虛人令人黑瘦枯燥

黃豆苗今處處有之人家田園中多種苗高一二尺
葉似黑豆葉而大結角比黑豆角稍肥大其葉味甘
採嫩苗葉燂熟水浸淘淨油鹽調食或採角煮食或

收豆煮食及磨為麵食皆可

刀豆苗處處有之人家園籬邊多種之苗葉似豇豆
葉肥大開淡粉紅花結角如皂角狀而長其形似屠
刀樣故以名之味甜微淡採嫩苗葉燂熟水浸淘淨
油鹽調食豆角嫩時煮食豆熟之時收豆煮食或磨
麵食亦可

豇豆苗今處處有之人家田園中多種就地拖秧而
生亦延籬落葉似赤小豆葉而極長解開淡粉紫花
結角長五七寸其豆味甘採嫩葉燂熟水浸淘淨油

鹽調食及採嫩角煤食亦可其豆成熟時打取豆食
杏樹本草有杏核人生晉山川谷今處處有之其實
有數種黃而圓者名金杏熟最早扁而青黃者名木
杏其子皆入藥又小者名山杏不堪入藥其樹高丈
餘葉頗圓淡綠頗帶紅色葉似木葛葉而光嫩微尖
開花色紅結實金黃色核人味甘苦性溫冷利有毒
得天良惡黃芩黃耆葛根解錫毒畏藜草杏實味酸
性熱採葉煤熟以水浸漬作成黃色換水淘淨油鹽
調食其杏黃熟時摘取食不可多食令人發熱及傷

人多作仁

大當作火

筋骨

棗樹採嫩葉煤熟水浸作成黃色淘淨油鹽調食其
棗紅熟時摘取食之其結生硬未紅時煮食亦可
莧菜本草有莧實一名馬莧一名莫實細莧亦同一
名人莧幽薊間訛呼為人杏菜生淮陽川澤及田中
今處處有之苗高一二尺莖有線櫛葉如小藍葉而
大有赤白二色家者茂盛而大野者細小葉薄味甘
性寒無毒不可與鱉肉同食生鱉瘕採苗葉煤熟水
淘洗淨油鹽調食晒乾煤食亦可

馬齒莧菜又名五行草舊不著所出州土今處處有
之以其葉青梗赤花黃根白子黑故名五行草耳味
甘性寒滑採苗葉先以水焯過晒乾煤熟油鹽調食
野蔓菁生輝縣栲栳圈山谷中苗葉似家蔓菁葉而
薄小其葉頭尖削葉脚花又甚多葉間攏出枝又上
開黃花結小角其子黑色根似白菜根頗大苗葉根
味微苦採苗葉煤熟水浸淘淨油鹽調食或採根換
水煮去苦味食之亦可

本草葉字
在作字上
楊當作湯

薺菜生平澤中今處處有之苗楊地生作鋸齒葉三

本草不字
作石字

四月出莖分生莖義稍上開小白花結實小似荏藿
子苗葉味甘性溫無毒其實亦呼荏藿子其子味甘
性平患氣人食之動冷疾不可與麵同食令人背悶
服丹木人不可食採子用水調攪良久成塊或作燒
餅或煮粥食味甚粘滑葉煤作菜食或煮作羹皆可
紫蘇一名桂荏荏又有數種有為蘇魚蘇山蘇出簡州
及無為軍今處處有之苗高二尺許莖方葉似蘇子
葉微小莖葉背面皆紫色而氣甚香開粉紅花結小
蒴其子狀如黍顆味辛性溫又云味微辛甘子無毒

當作食

採葉煤食チラス煮飲チラス亦可チラス子研チラス汁煮粥食之皆好葉可生チラス

食チラス... 採葉煤食... 煮飲亦可... 子研汁煮粥食之... 皆好葉可生

田田田田
田田田田
田田田田

荒政要覽卷之十終

... 田田田田 ... 田田田田 ... 田田田田 ...

